



## Universitätsbibliothek Paderborn

**Scintillæ Ignatianæ, Sive Sancti Ignatii De Loyola,  
Societatis Jesu Fundatoris Apophthegmata Sacra**

**Hevenesi, Gábor**

**Coloniæ, 1715**

**VD18 10988289**

27. Decembris. Nimium cauti in rebus divinis raro magna, atque heroica aggrediuntur: his namque manum non applicat, qui minutam quamlibet difficultatem, quæ occurrere posset, formidat. S. Ign. apud ...

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

odio te olim prosequendum; ita te, & tua fidas amico, ut nocere non possit, licet velit. Quò vehementior est amor, tanto citius in cinerem deficit, & affectui immos derato paria succedunt odia.

## 27. Decembris.

*Nimium canti in rebus divinis raro magna, atque heroica aggrediuntur: his namque manum non applicat, qui minutam quamlibet difficultatem, quæ ocs currere posset, formidat. S. Ign. apud Nolar. c. ult:*

**Q**ui ventos attendit, nec navigat, nec unquam seminat; quid forte periculi, quid occurtere difficultatis possit? si scrupulosè metuas, nulla te unquam ad audendum aliquid inducet resolutio.

Parvuli sunt, quos quævis facile terret umbra; quibus ætas, & virtus adulta, iis pectus contra difficultates magis est firmum. Sæpius opinio, quæm difficultas nos ab agendis revocat. Semper accincti, nunquam inchoamus.

Fortè periculum quod tantopere metuimus, nunquam eveniet; cur sumus ante causam miseri? qui felices esse possumus,

si timori spem substituamus. Nemo plus nos impedit, quam ipsi; dum nimium sapere volumus, desipimus.

Frustra fatigaris, brevior humana est perspicacia, quam ut prævideat universa; quæ suspicaris, nunquam evenient, sicut autem, quæ tu non cogitas. Divinæ alii quid providentiae relinquendum, suus etiam spei dandus est locus.

## 28. Decembris.

*Discussis, decretisque jam rebus, nox ultimum dare debet consilium. S. Ign. ap. Bart. l. 3. n. 35.*

**P**RUDENTIA VIRTUS NON ESSET, SI OMNIA, quæ nobis incidunt, consilia essent; quam bellè tum omnia, & nihil inconsulto gereretur, sed ut non quodvis cerebrum Palladem, ita nec quævis incidentia, consilium parit.

Consilia, ut iis tuto uti possis, festina non sint; præcipitata enim facile præcipitant. Ut una fax alteri, sic & cogitatio una lucem addit alteri, ut magis perspicue, quid agendum sit, videas.

Multa impetus dictat, qui justâ, si temporetur morâ, damnabit, quæ ante proba.